

Fundacion Divi a keda funda pa guia e.o. pacientenan Arubiano na Hulanda

DEN HAAG - Sres. Rudolf de Kort y Anthony Giel di Fundacion Divi a haci entrega na Ministro Plenipotenciario sra.

Ella Tromp-Yarzagaray un ehemplar di nan akte di notario unda e fundacion a keda lanta. Fundacion Divi a keda funda

6 de september 2002 cu e meta pa brinda respaldo na e proceso di integracion di Arubano y Antiyano na Hulanda. Esaki



por ta riba tereno amplio manera actividadnan social, cultural y deportivo.

E fundacion ta compromete su mes tambe na guia di pacientnan cu ta na Hulanda pa cuido medico y tambe ta sirbi como mentor pa personanan cu ta sufri di adicon.

Un di e prome actonan di Fundacion Divi ta transportacion di camanan di hospital p'e centronan pa ancianonan na Aruba.

Actualmente e fundacion ta

preparando un dia di atletiek pa atletanan amateur for di Aruba, Antiyas y Hulanda.

E actividad aki lo ta dia 15 di maart awor y ta keda realisa den cooperacion cu Sportvereniging Sparta for di Den Haag.

Ministro Plenipotenciario a desea e directiva di Fundacion Divi tur clase di exito cu nan actividadnan na bienestar di Arubano y Antiyano na Hulanda.